

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10.stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 14-191-2/20. od 10.02.2020. godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktorica Melisa Alibašić Hadžić, dipl.pravnik (u daljem tekstu: Ugovorni organ)

i

2. **„SWORD SECURITY“ doo iz Sarajeva**, ul. Alipašina br. 83, registrovan kod Općinskog suda u Sarajevu, matični broj subjekta upisa: 65-01-1125-09 (stari broj: 1-23528), identifikacijski broj kod Porezne uprave FBiH Kantonalni ured Sarajevo 4200445860003, porezni broj: 200445860003, koga zastupa Izvršni Direktor Dalipagić Younis Dijana (u daljem tekstu: Dobavljač),

dana 10.02.2020.god., u Sarajevu zaključuju

UGOVOR

o nabavci, isporuci i instaliranju sistema video nadzora sa pratećom opremom

Član 1.

Ugovorne strane su saglasne da Dobavljač za potrebe Ugovornog organa izvrši nabavku, isporuku i instaliranje **sistema video nadzora sa pratećom opremom u objektima KJU „Gerontološki centar“ Sarajevo**, prema Ponudi Dobavljača broj: 0209/P-02/20 od 04.02.2020.godine i zahtjevu Ugovornog organa broj: 14-191-1/20 od 29.01.2020.godine.

Član 2.

Dobavljač nudi, a Ugovorni organ prihvata nabavku:

1. DS-7732NI-K4
Professional and Reliable
| Dual-OS design to ensure high reliability of system running
| ANR technology to enhance the storage reliability when the network is disconnected
HD Input
| H.265/H.264/MPEG4 video formats
| Connectable to the third-party network cameras
| Up to 32 IP cameras can be connected
| Recording at up to 8 MP resolution
| Supports live view, storage, and playback of the connected camera at up to 8 MP resolution
HD Output
| HDMI and VGA independent outputs provided
2. DS-7608NI-K1
| H.265+/H.265/H.264/H.264+ video formats
| Connectable to the third-party network cameras
| Up to 8 IP cameras can be connected
| Recording at up to 8 MP resolution
| Supports live view, storage, and playback of the connected camera at up to 8 MP resolution
HD Output
| HDMI/VGA simultaneous output (DS-7604NI-K1/4P (B))
| HDMI and VGA independent outputs (DS-7608NI-K1/8P(B))
| HDMI Video output at up to 4K (3840 × 2160) resolution
HD Storage
| 1 SATA interface connectable for
3. KAMERA DS-2CD1121-I-2.8mm
IP kamera 2.0MP, IP 66, fiksni objektiv 2.8mm
4. DS-2CD1021-I 2,8
Popust:10,00% 1/2.8" progressive scan CMOS

- 1 Up to 2.0 megapixel
 - 12.8 mm/4 mm/6 mm fixed focal lens
 - 1 Up to 30 m IR range
 - 1 Dual stream
 - 1 Digital WDR (Wide Dynamic Range)
 - 1 3D DNR (Digital Noise Reduction)
 - 1 PoE (Power over Ethernet)
 - 1 IP67
 - 1 Mobile monitoring via Hik-Connect or iVMS-4500
5. SWITCH DS-3E0318P-E/M
- 16 × 100 Mbps PoE ports, 1 × 1000 Mbps RJ45 port, and 1 × 1000 Mbps SFP fiber optical port.
 - IEEE 802.3at/af standard.
 - IEEE 802.3, IEEE 802.3u, and IEEE 802.3x standard.
 - High priority ports.
 - 8-core power supply.
 - Up to 250 m transmission distance.
 - 6 KV surge protection for PoE ports.
 - PoE power management.
 - 1000 Mbps network access.
 - Wire-speed forwarding and non-blocking design.
 - Store-and-forward switching.
 - Solid high-strength metal shell.
6. DS-3E0109P-E/M
- Network parameters
- Port number: 9
- Standard: IEEE 802.3, IEEE 802.3u, IEEE 802.3af, IEEE802.3at, IEEE 802.3x
- Working mode: EXTEND OFF, EXTEND ON
- Ports for long-distance transmission: 1 - 8
- MAC address table: 4 k
- Switching capacity: 1.8 Gbps
- PoE power supply
- PoE standard: IEEE 802.3af, IEEE802.3at
- PoE port: 1 - 8
- Max. port power: 30 W
- PoE power budget: 58 W
- General
- Operating temperature: 0 °C ~ 40 °C
- Storage temperature: -40 °C ~ 70 °C
- Operating humidity: 1
7. ST40Q0VX000 HDD 4TB
8. PFA135 baza kamere 90x33.7mm
9. Cijev euroflex fi16
10. Sajla 2mm čelična
11. PVC kanalica 16x16
12. Kanalica PVC 25x25
13. Kanalica PVC 25x40
14. RAMUTPLEVEL5-4x2x0,22 KABEL UTP CAT 5
15. KONEKTOR RJ-45-LSA Cat6A oklopljeni DN-93615
16. RACK ORMAR 7U ECO
17. UPS 500VA Eaton

Član 3.

Dobavljač se obavezuje da će opremu, koja je predmet ovog Ugovora, isporučiti u skladu sa zahtjevima Ugovornog organa i svojoj ponudi, te da će u slučaju isporuke neodgovarajuće opreme, koja ne udovoljava zahtjevima Ugovornog organa ili opreme sa skrivenim manama koje se nisu mogle odmah uočiti, prihvatiti povrat takve opreme i o vlastitom trošku isporučiti odgovarajuću opremu.

Dobavljač se obavezuje da će isporučiti opremu koja je proizvedena prema usvojenim tehničkim propisima i standardima, te da će prilikom isporuke opreme dostaviti svu potrebnu dokumentaciju.

Član 4.

Ukupna ugovorena vrijednost predmetne nabavke, iznosi **5.987,10 KM** bez pripadajućeg PDV, odnosno **7.004,90 KM**, sa pripadajućim PDV.

Ugovorena vrijednost predmetne nabavke je fiksna do kraja izvršenja Ugovora.

Član 5.

Ugovorni organ se obavezuje da će plaćanje ugovorene vrijednosti predmetne nabavke iz člana 4. ovog Ugovora, izvršiti u ukupnom iznosu u roku od 7 dana nakon završetka svih ugovorenih obaveza od strane Dobavljača i ispostavljanja fakture-računa, na njegov transakcijski račun broj: 1011010054176185, otvoren kod Privredne banke dd Sarajevo.

Predmetna nabavka će se smatrati završenom kada to zapisnikom o primopredaji ugovorne strane obostrano konstatuju.

Za svako kašnjenje u plaćanju Ugovorni organ se obavezuje da Dobavljaču pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Dobavljač ima pravo, bez ikakve daljnje opomene, na posebnu naknadu u iznosu 100,00 KM.

Član 6.

Dobavljač se obavezuje da opremu koja je predmet nabavke isporuči i instalira najkasnije u roku od 30 dana od dana obostranog potpisivanja ovog Ugovora.

Dobavljač garantuje da će ugradnju predmetne opreme izvršiti stručno i kvalitetno, uz poštivanje tehničkih normi i propisa, sa kvalificiranim osobljem.

Dobavljač garantuje da će ugradnja i instaliranje opreme biti obavljena u skladu sa važećim propisima iz ove oblasti.

Dobavljač garantuje da će tehnička svojstva isporučene opreme i ugradnja iste odgovarati zahtjevima utvrđenim zakonskim propisima, tehničkim mjerama, normativima i standardima koji važe za predmetnu opremu.

Dobavljač se obavezuje da će prije puštanja opreme u rad izvršiti testiranje iste i detaljnu obuku osoblja za adekvatno rukovanje.

Član 7.

Ukoliko u toku izvršenja ovog Ugovora nastupe okolnosti koje se u vrijeme zaključenja Ugovora nisu mogle predvidjeti, a koje utiču na njegovo blagovremeno izvršenje, Ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Dobavljač je dužan da o nastalim nepredviđenim okolnostima zbog kojih je ometan u izvršenju Ugovora pismeno obavijesti Ugovorni organ.

Član 8.

Ugovorne strane su saglasne da se po izvršenju svih ugovorenih obaveza od strane Dobavljača, sačini zapisnik o primopredaji i puštanju u rad instalirane opreme, te da se isti ovjeri od strane ovlaštenih predstavnika obje ugovorne strane.

Na osnovu zapisnika iz stava 1. ovog člana Dobavljač će sačiniti račun i dostaviti ga na ovjeru i plaćanje Ugovornom organu.

Član 9.

Garantni period za instaliranu opremu iznosi 12 mjeseci od puštanja sistema u rad.

Dobavljač garantuje da će osigurati nesmetano funkcionisanje sistema i svih uređaja u sistemu video nadzora i u tom smislu da će osigurati servisiranje predmetne opreme i potrebne rezervne i komponente u garantnom periodu, kao i u postgarantnom periodu najmanje 10 godina nakon puštanja sistema u rad, te da će za ugradene, odnosno zamijenjene rezervne dijelove i komponente sistema ponuditi garanciju.

Dobavljač garantuje da je spreman da odmah obavi hitne, neodložne opravke, ako za to postoji potreba i u tom smislu da će u garantnom i postgarantnom periodu obezbjediti servisnu intervenciju i otklanjanje kvarova svakim danom u vremenu od 07:00 do 18:00 sati, uključujući vikend i praznik, i to najkasnije u roku od 3 sata po prijavi kvara.

Za vrijeme trajanja garantnog roka Dobavljač ne odgovara za kvarove na opremi koji su uzrokovani nepravilnim korištenjem opreme, nepridržavanjem propisanih uputstava za rad opreme, kao ni u slučaju više sile.

Član 10.

Dobavljač u toku garantnog perioda odgovara za skrivene mane i nedostatke na opremi, koji se nisu mogli odmah uočiti.

Ugovorni organ je obavezan da obavijesti Dobavljača o svim skrivenim nedostacima na opremi koji se nisu mogli odmah uočiti, i to u roku od 7 dana od dana uočavanja takvih nedostataka, i da zahtijeva njihovo otklanjanje odmah, a najkasnije u roku od 24 sata.

Ako do isteka roka iz stava 2. ovog člana Dobavljač ne postupi po zahtjevu Ugovornog organa, Ugovorni organ može raskinuti Ugovor i zahtijevati naknadu štete.

Ukoliko se radi o neispravnosti isporučene opreme koja se ne može odmah i trajno otkloniti, Dobavljač se obavezuje da će u roku od 15 dana Ugovornom organu isporučiti ispravnu opremu, bez bilo kakvih smetnji i nedostataka.

Član 11.

Dobavljač se obavezuje da prilikom primopredaje instalirane opreme preda Ugovornom organu svu potrebnu dokumentaciju.

Član 12.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 13.

Odredbe ovog Ugovora mogu se mijenjati samo uz pismenu saglasnost obje ugovorne strane.

Ovaj Ugovor se može raskinuti pismenim putem i to sporazumno ili po zahtjevu jedne od ugovornih strana, ukoliko su nastali bitni razlozi za raskid ugovora.

Član 14.

Ovaj Ugovor stupa na snagu danom obostranog potpisivanja od strane ovlaštenih osoba ugovornih strana.

Član 15.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 16.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

DOBAVLJAČ:

culpa

Broj: 0255/U-02/20

Sarajevo, 10. 02. 2020.



UGOVORNI ORGAN:

Broj: 14-191-4/20

Sarajevo, 10.02.2020. god.



Izradila: Mustafić Amra, stručni suradnik za javne nabavke

Kontrolisala: Karić Amra, šef Službe pravnih i općih poslova

[Signature]